

31 *Juli* 1566.

*Lettre missive du Prince d'Orenge à Son Altèze, en date
le dernier de Juillet 1566.*

MADAME,

Je me suis enquis sur ce que Vostre Altèze avoit entendu des batteaulx, qui seroient venuz au-devant ceste ville, avecq Franchois et aultres estrangiers ; mais ay trouvé estre peu des dicts Franchois, et, aultant qu'en puis trouver, les faiz retirer. Quant aux Anabaptistes et assemblées, en faiz faire semblable enquete, en ayant donné la charge au Marcgrave d'icy, affin d'en faire le debvoir requis. Ce soir les marchans, Guldes et Rétoriciens m'ont donné leurs responces jointes, sur lesquelles, ensamble sur les aultres, qu'ay envoyé avecq mes lettres le XXV^{me} de ce mois, il plairat à Vostre Altèze me mander son bon plaisir, pour me conduyre selon icelluy ; suppliant entretemps le Créateur donner à Vostre Altèze, après avoir baisé très-humblement ses mains, santé et longue vie. D'Anvers, le dernier jour de Juillet 1566.

Madame, comme avois tant fait vers mes amis, qu'ilz avoient induictz les prescheurs et ceulx y allans oyr, d'y aller sans armes et avecq peu de nombre, est venu passer tout près d'icy le Drossart de Brabant ce jour d'huy, que sera cause, je crains, que demain ilz yront plus fort et

(1) Aangehaald blz. 126 en GACHARD, *Op. cit.* T. II, p. 164.

avecq plus d'armes que du passé, et tiendront suspectz
ceulx qui les avoient assureé du dit Drossart, dont ce
qu'en adviendra l'escripvray à Vostre Altèze.

Collationnée à l'auctenticque copie, est trouvée
accorder par moy,

A. GRAPHEUS. (1)